

**JAVNA USTANOVA DOM ZDRAVLJA
KANTONA SARAJEVO
GENERALNI DIREKTOR**

Broj 01-03-3816-6/18

Dana, 16.05.2018. godine

Sarajevo, Vrazova 11

Na osnovu člana 70. stav (1),(3) i (6) Zakona o javnim nabavkama ("Službeni glasnik BiH" broj 39/14), člana 38. Statuta Javne ustanove Dom zdravlja Kantona Sarajevo ("Službene novine Kantona Sarajevo" broj 40/13, 20/16), člana 17. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo i Preporuke Komisije za javne nabavke broj 01-08-3816-5/18 od 15.05.2018. godine, generalni direktor donosi sljedeću

**ODLUKU
o izboru ponuđača Blok d.o.o Sarajevo
u postupku nabavke broj OP-17/18**

I

Ugovor o nabavci u otvorenom postupku javne nabavke broj OP-17/18, sa predmetom nabavke **Transportnog kombi vozila** za potrebe Javne Ustanove Dom zdravlja Kantona Sarajevo, dodjelit će se ponuđaču **Blok d.o.o Sarajevo**.

II

Po okončanju roka za žalbu, ugovorni organ će pozvati izabranog ponuđača radi zaključenja odgovarajućeg ugovora kojim će se regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

III

Ova odluka objavit će se na web-stranici web: <http://www.judzks.ba>, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

O b r a z l o ž e n j e

Odlukom broj 01-03-3816/18 od 20.04.2018. godine, pokrenut je postupak sa predmetom nabavke transportnog kombi vozila za potrebe JU Dom zdravlja Kantona Sarajevo.

Obavještenje o nabavci objavljeno je na Portalu javnih nabavki dana 24.04.2018. godine pod brojem 29-1-1-18-3-36/18.

Kriteriji za vrednovanje "**najniža cijena tehnički zadovoljavajuće ponude**" utvrđen je tenderskom dokumentacijom ugovornog organa.

Komisija je konstatovala da je do zakazanog termina, pristigla jedna ponuda i da je provjerom uslova za kvalifikaciju konstatovano da je u postupku nabavke broj: OP-17/18 sa predmetom nabavke – transpotnog kombi vozila, kvalifikovan jedini ponuđač Blok d.o.o. Sarajevo, te da isti ispunjava zahtjeve ugovornog organa.

Nakon što je Komisija utvrdila kvalifikovanost dostavljene ponude, utvrđena je rang lista sa ponuđenom cijenom kako slijedi:

Rang lista	Naziv ponuđača	Konačna cijena u KM sa PDV-om
1	BLOK d.o.o Sarajevo	<u>42.003,00 KM</u>

Cijeneći navedenu rang listu i kriterij vrednovanja ponuda - najniža cijena tehnički zadovoljavajuće ponude, Komisija je jednoglasno dala preporuku generalnom direktoru da dodjeli ugovor ponuđač **Blok d.o.o Sarajevo**, čija ponuda ispunjava sve tražene uslove, za vrijednost sa uračunatim PDV-om (17%) u visini od **42.003,00 KM**

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalificiranosti ponuđača te ocijenu prispjele ponude, shodno kriteriju iz Tenderske dokumentacije.

U postupku ocjene provedenog postupka, generalni direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Ocjenjeno je da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Shodno navedenom, generalni direktor Javne ustanove Dom zdravlja Kantona Sarajevo, donosi odluku kao u dispozitivu.

PRAVNA POUKA: Ponuđač koji smatra da je ugovorni organ prekšio odredbe Zakona o javnoj nabavci, ima pravo uložiti žalbu ugovornom organu, u roku od 10 (deset) dana od dana prijema Odluke o izboru najpovoljnijeg ponuđača. Žalba se izjavljuje ugovornom organu u pisanoj formi u dovoljnom broju primjeraka koji ne može biti manji od tri.

Dostaviti:

- Blok d.o.o Sarajevo
(Ul. Srđana Aleksića br.26, 71000 Sarajevo)

-JN

-a/a

